



Broj: 05-50-1-364/14
Sarajevo, 16.4.2014. godine

 **BOSNA I HERCEGOVINA**
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 17.04.2014			
Organizaciona jedinica	Klasifikaciona oznaka	Redni broj	Broj priloga
05-50-1-15	15	62	14

VERA: 05-50-1-15-62/14

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 91. sjednici održanoj 16.4.2014. godine, utvrdilo je Odgovor na zastupničko pitanje koje je postavio Nermin Purić, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,


GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-364/14
Sarajevo, 16.4.2014. godine

Nermin Purić, poslanik u Predstavničkom domu Parlamentarne skupštine Bosne i Hercegovine, na 64. sjednici Predstavničkog doma, ponovio je pitanje postavljeno na 62 sjednici održanoj 23. januara 2014. godine, slijedećeg sadržaja:

„Da li Vijeće ministara BiH razmatra Bijelu knjigu koju godišnje izdaje Vijeće stranih investitora u BiH i kakva je saradnja Vijeća ministara sa Vijećem stranih investitora u BiH i drugim sličnim asocijacijama ulagača u našoj zemlji“.

Na postavljeno pitanje, Vijeće ministara Bosne i Hercegovine je na 91. sjednici održanoj 16.4.2014. utvrdilo slijedeći odgovor:

ODGOVOR

Vijeće stranih investitora (Foreign Investors Council) u Bosni i Hercegovini (u daljem tekstu FIC) je nevladina organizacija – udruženje, koje ima za cilj unapređenje poslovnog ambijenta za investiranje i poslovanje, kao i zastupanje interesa stranih investitora koja posluju na području Bosne i Hercegovine.

„Bijela knjiga“ je dokument - godišnja publikacija FIC-a, koja se sačinjava na osnovu pribavljenog mišljenja i sugestija stranih investitora u cilju poboljšanja poslovnog ambijenta u Bosni i Hercegovini. Svrha Bijele knjige je da se vlastima u BiH, daju preporuke za prioritete reforme kako bi se riješile ključne prepreke za ulaganja u Bosni i Hercegovini.

Imajući u vidu globalna ekonomska kretanja, postojeće stanje u oblasti ekonomije kao i značaj priliva stranih investicija za ekonomiju Bosne i Hercegovine, Vijeće ministara BiH posebnu pažnju posvećuje, stvaranju povoljnijih uslova za strane investitore i aktivnijoj saradnji sa asocijacijama stranih investitora u BiH uključujući FIC.

Saradnja sa FIC-om prvenstveno se odvija preko Ministarstva vanjske trgovine i ekonomskih odnosa BiH, Ministarstva finansija i trezora BiH, Ureda predsjedavajućeg Vijeća ministara i Agencije za unapređenje stranih investicija u Bosni i Hercegovini-FIPA (u daljem tekstu Agencija).


Povodom preporuka datih u dokumentu „Bijela knjiga“, obavljeno je više razgovora sa FIC-om, kako bi se iznašla optimalnija rješenja za strane investitore.

Takođe, u skladu sa Zakonom o Agenciji za unapređenje stranih investicija u Bosni i Hercegovini („Službeni glasnik BiH“, broj 56/04), FIC, ima dva člana u Upravnom odboru Agencije, putem kojih aktivno učestvuje u radu Agencije, uključujući i predlaganja strateških ciljeva Agencije, predlaganju poslovne strategije, poslovnog i akcionog plana, te razmatranju realizacije i ostavrivanju ciljeva i plana rada Agencije.

Napominjemo da su na sastanku članova UO Agencije i ovlaštenih predstavnika UIO BiH, održanom 29. 11. 2013. godine u prostorijama UIO BiH u Banja Luci, u cilju rješavanja problema stranih investitora i predstavnika poslovne zajednice u Bosni i Hercegovini, vezanih za rad UIO BiH, predstavnici FIC-a, između ostalog, upoznali predstavnike UIO BiH, sa sadržajem i određenim preporukama iz dokumenta „Bijela Knjiga za 2013. godinu“.



Broj: 02-49-336-1/14
Sarajevo, 14.03.2014. godine



BOSNA I HERCEGOVINA
PARLAMENTARNA SKUPŠTINA BIH
ZASTUPNIČKI/PREDSTAVNIČKI DOM

71000 SARAJEVO, Ul. Trg BiH br.1

dr. Milorad Živković, predsjedavajući Predstavničkog doma

PREDMET: *Odgovor na predstavničko pitanje*

VEZA: *Vaš akt broj 01/a-50-1-15-62/14 od 23.01.2013. godine*

U skladu sa Vašim zahtjevom, a shodno aktivnostima koje je Federalni zavod za zapošljavanje proveo u periodu 2010 - 2013, dostavljamo Vam odgovor na postavljeno pitanje.

PITANJE:

- Koliko sredstava za zapošljavanje i projekte samozapošljavanja je putem Federalnog zavoda za zapošljavanje plasirano u Unsko-sanski kanton u periodu 2010 – 2013, te koliko je nezaposlenih osoba zaposleno zahvaljujući tim sredstvima?***

(Predstavnik Nermin Purić na 62. sjednici Predstavničkog doma Parlamentarne skupštine Bosne i Hercegovine, održanoj 23.01.2014. godine – izvod iz stenograma)

ODGOVOR:

U skladu sa zakonskim obavezama koje se tiče materijalne i socijalne sigurnosti nezaposlenih osoba, odnosno tzv. „pasivnih mjera“, Federalni zavod za zapošljavanje je značajna novčana sredstva doznačio kantonalnim službama za zapošljavanje u periodu 2010 - 2013 u svrhu osiguranja nedostajućih sredstava, uključujući i JU „Službu za zapošljavanje Unsko-sanskog kantona“, kojoj su doznačena sljedeća sredstva:

- *1.519.974,34 KM u 2010-oj godini,*
- *1.016.238,50 KM u 2011-oj godini,*
- *2.983.794,20 KM u 2012-oj godini,*
- *3.248.062,65 KM u 2013-oj godini.*

I pored tih obaveza, Federalni zavod za zapošljavanje je implementacijom određenih mjera aktivne politike zapošljavanja dao doprinos ublažavanju posljedica globalne ekonomske krize na tržištu rada.


Mjerama namijenjenim poslodavcima nastoji se uticati na zadovoljenje potražnje radnika određenog profila zanimanja, a s druge strane, mjerama namijenjenim pojedincima, tj. unapređenjem njihovih znanja ili vještina, nastoji se uticati na ponudu raspoložive radne snage.

U tom periodu odobrena su značajna sredstva za realizaciju mjera aktivne politike zapošljavanja, a koja je Federalni zavod za zapošljavanje neposredno implementirao na području Unsko-sanskog kantona, kako slijedi:

- *Na realizaciju Programa obuke, dokvalifikacije i prekvalifikacije u 2010 godini utrošeno je 150.000 KM, a obuhvaćeno je 100 osoba sa evidencije nezaposlenih, od kojih je 2/3 zaposleno, odnosno 66 osoba,*
- *Na realizaciju Programa sufinansiranja zapošljavanja i samozapošljavanja povratnika u 2010. godini utrošeno je 260.500 KM, a zaposleno je ukupno 69 osoba sa evidencije nezaposlenih, od kojih je 31 osoba pokrenula samostalnu djelatnost,*
- *Na realizaciju Programa sufinansiranja zapošljavanja mladih osoba bez radnog iskustva u 2010. godini utrošeno je 349.800 KM, te je pružena podrška za 55 mladih osoba sa evidencije nezaposlenih, koje su uz radni odnos na određeno vrijeme stekle prvo radno iskustvo u struci,*
- *Na realizaciju Programa zapošljavanja i samozapošljavanja povratnika u 2011. godini utrošeno je 239.000 KM, a zaposleno je ukupno 46 osoba sa evidencije nezaposlenih, od kojih je 21 osoba pokrenula samostalnu djelatnost,*
- *Na realizaciju Programa zapošljavanja i samozapošljavanja Roma u 2011. godini utrošeno je 84.000 KM, a zaposleno je ukupno sedam osoba sa evidencije nezaposlenih, od kojih je šest osoba pokrenulo samostalnu djelatnost,*
- *Na realizaciju Programa sufinansiranja samozapošljavanja mladih osoba „Omladinsko poduzetništvo“ u 2012. godini utrošena je 101.500 KM, a samostalnu djelatnost je pokrenulo 15 osoba sa evidencije nezaposlenih,*
- *Na realizaciju Programa zapošljavanja povratnika u 2012. godini utrošeno je 19.519 KM, a zaposleno je sedam osoba sa evidencije nezaposlenih,*
- *Za realizaciju Programa zapošljavanja i samozapošljavanja Roma 2013 ugovoreno je 56.000 KM, za zapošljavanje sedam osoba sa evidencije nezaposlenih, od kojih je pet pokrenulo samostalnu djelatnost – Program u toku,*
- *Za realizaciju Projekta „Stručno osposobljavanje, usavršavanje i zapošljavanje stolara i tehničara drvoprerade za potrebe kompanije AL DIHANI“ d.o.o. Cazin odobrena su sredstva u iznosu od 89.290 KM za obuku i zapošljavanje 100 osoba sa evidencije nezaposlenih u toj kompaniji, od čega Federalni zavod za zapošljavanje participira u sufinansiranju ovog projekta sa 35.480 KM – Projekat u toku.*

Ujedno napominjemo da se za ostale informacije o mjerama sufinansiranim iz sredstava Federalnog zavoda za zapošljavanje, a implementiranim putem JU „Služba za zapošljavanje Unsko-sanskog kantona“, možete obratiti toj službi.

Srdačan pozdrav,




Direktor

Kenan Rešo



Broj: 05-50-1-364/14
Sarajevo, 6.3.2014. godine



PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 85. sjednici održanoj 6.3.2014. godine, utvrdilo je Odgovor na pitanje koje je postavio Nermin Purić, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,

GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-364/14
Sarajevo, 6.3.2014. godine

Nermin Purić, poslanik u Predstavničkom domu Parlamentarne skupštine Bosne i Hercegovine, na 62. sjednici Predstavničkog doma održanoj 23. januara 2014. godine, postavio je slijedeće poslaničko pitanje.

„Kakva je regionalna distribucija direktnih stranih ulaganja u BiH, koliko je zabilježeno ulaganja po regijama u BiH, u koje privredne grane je ulagano, ko su ulagači i iz koje zemlje dolaze. Molim za podatke za 2010, 2011, 2012 i 2013 godinu“

Na postavljeno pitanje, Savjet ministara Bosne i Hercegovine je na 85. sjednici održanoj 6.3.2014. utvrdio slijedeći

ODGOVOR

Prema podacima Centralne banke BiH ukupne strane investicije (DSU) evidentirane u periodu maj 1994-decembar 2012.g. iznosile su 10,9 milijardi KM. Iznos ulaganja od 411 miliona KM (493 sa procijenjenim zadržanim zaradama) za devet mjeseci 2013.g. je preliminarni podatak.

Zahvaljujući velikoj privatizaciji Bosna i Hercegovina je u 2007. godini imala najznačajniji priliv DSU u iznosu od 2,6 milijardi KM. Nastupanjem globalne krize priliv DSU je značajno smanjen posebno u 2009. godini kada je zabilježeno samo 352 miliona KM DSU. U 2010 i 2011. godini zabilježen novi uzlazni trend priliva DSU, iako su vrijednosti bile značajno niže u odnosu na razdoblje prije početka globalne krize. Priliv DSU u 2010.g. povećan je za 70,5% u odnosu na 2009. a iznosio je 600 miliona KM. U 2011. godini ulaganja su povećana za 15,7% u odnosu na 2010. godinu a iznosila su 694 miliona KM. Smanjenje vrijednosti DSU u 2012. godini je 19,6%, kada je evidentirano 558 miliona KM. Prema Izvještaju o globalnim tokovima direktnih stranih investicija – World Investment Report 2013 (UNCTAD, januar 2014) strana ulaganja na globalnom nivou smanjena su za 22% u 2012. godini.

Austrija je najveći investitor sa 2,61 milijardu KM što čini 24% ukupnih ulaganja u BiH. Srbija je uložila 1,88 milijardi KM (17%), Hrvatska 1,48 milijardi KM (13%), Slovenija 1,02 milijarde (9%), Rusija 921 milion KM (8%), Njemačka 605 miliona KM (5%), Švajcarska 503 miliona KM (5%), Holandija 328 miliona KM (3%), Turska 292 miliona KM (3%), Luksemburg 272 miliona KM (2%).

Najznačajniji iznos DSU je investiran u sektor proizvodnje (35%). Slijede bankarski sektor (21%), telekomunikacije (15%), trgovina (12%)

Od ukupnih stranih ulaganja u proizvodni sektor, 21% je uložen u u proizvodnju koksa, derivata nafte i nuklearnog goriva (815 miliona KM), a u proizvodnju prehrambenih proizvoda i pića 19% (729 miliona KM). Značajna investiranja zabilježena su u proizvodnju hemikalija i hemijskih proizvoda 8% (292 miliona KM), proizvodnju celuloze, papira i proizvoda od papira 5% (199 miliona KM), te vađenje uglja, lignita i treseta 5% 182 miliona KM (5%).

U 2010 godini priliv stranih ulaganja evidentiran je u vrijednosti od 600 miliona KM a po istom izvoru u 2010 godini u Republici Srpskoj je uloženo 205,1 milion KM.¹ Od ukupnih ulaganja, najviše je uloženo u trgovinu (254 mil KM), proizvodnju (158 mil KM), bankarstvo (49 mil KM). Države ulagači su Rusija (89 mil KM), Hrvatska (85 mil KM), Švajcarska (84 mil KM), Austrija (60 mil KM), Holandija (48 mil KM).

U 2011.g. od ukupnog priliva DSU u BiH od 694 miliona KM, na Republiku Srpsku se odnosi 362,8 milion KM stranog ulaganja. Ponovo je Rusija najveći investitor sa 140 miliona KM. Slijede Austrija (138 mil KM), Srbija (101 mil KM), Turska (37 mil KM), Njemačka (36 mil KM). Najviše je ulagano u trgovinu (182 mil KM), bankarstvo (165 mil KM), proizvodnju (135 mil KM), te posredovanje nekretninama (103 mil KM).

U 2012.g. od 558 miliona priliva stranih investicija, 354,3 miliona je investirano u Republiku Srpsku. Najznačajniji iznos ulaganja evidentiran je u proizvodnom sektoru (227 mil KM), bankarstvu (131 mil KM) i trgovini (117 mil KM). Među državama investitorima, na vodećem mjestu je Rusija (153 mil KM), a zatim slijede Austrija (131 mil KM), Hrvatska (118 mil KM), Njemačka (40 mil KM).

U devet mjeseci 2013.godine, 190 miliona KM odnosno 46% ukupnog priliva u ovom periodu (411 mil KM) dolazi iz Rusije. Među ostalim državama su Austrija (30 mil KM), Njemačka (18 mil KM), Slovenija i Srbija sa po 16 miliona KM ulaganja. U bankarski sektor uloženo je 42 miliona KM, u proizvodnju 31 milion KM, trgovinu 22 miliona KM, dok je najveći iznos ostao na ostalim djelatnostima i uslugama. Treba uzeti u obzir da su podaci za 2013 godinu nekompletni i privremeni do objave zvaničnih podataka u septembru ove godine.

¹ Centralna banka BiH po zahtjevu Ministarstva za ekonomske odnose i regionalnu saradnju RS, po istoj metodologiji radi godišnji pregled ulaganja u RS



B I H A Ć
BOSNA I HERCEGOVINA
FEDERACIJA BOSNE I HERCEGOVINE
JU SLUŽBA ZA ZAPOŠLJAVANJE
UNSKO-SANSKOG KANTONA
SARAJEVO

PRIMLJENO:	21.02.2014		
Organizaciona jedinica	OSD/MS	Redni broj	Broj priloga
01-50-1-15-62/14			

Broj: 01-437-1/14
Bihać 14.02.2014.godine

**PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM**

**Predmet: Odgovor na poslaničko pitanje, dostavlja se.
Veza: Vaš akt br: 01/a-50-1-15-62/14 od 23.01.2014.godine**

Poštovani,

vezano za Vaš akt (broja i datuma gore navedenog) koji se odnosi na poslaničko pitanje poslanika Nermina Purića DNZ BiH, dostavljamo Vam odgovor na postavljena pitanja pod tačkom 4.(4.a/4.b), koja se odnose na JU Služba za zapošljavanje USK-a, kako slijedi:

4.a. U vremenskom intervalu 2010.-2013.godina JU Služba za zapošljavanje USK-a, zbog izuzetno teške materijalno-finansijske situacije, nije imala vlastitih ulaganja u projekte zapošljavanja i samozapošljavanja nezaposlenih osoba. U navedenom periodu JU Služba za zapošljavanje USK-a realizirala je projekte APZ (Aktivnih politika zapošljavanja) finansirane od strane FZZZ (Federalni zavod za zapošljavanje) Sarajevo te PIU SESER (Jedinica za implementaciju projekata socio-ekonomske podrške, obuke i prezapošljavanja) Ministarstva rada i socijalne politike F BiH kao i određen broj projekata posredstvom institucija međunarodne zajednice.

U okviru aktivnih politika zapošljavanja JU Služba za zapošljavanje USK-a samostalno kontinuirano provodi program stručnog osposobljavanja i prekvalifikacije nezaposlenih osoba u proizvodna zanimanja metalske i građevinske struke te je u tom procesu, u navedenom vremenskom razdoblju, izvršena prekvalifikacija ukupno 709 nezaposlenih osoba.

4.b. Kroz programe podsticaja zapošljavanja i samozapošljavanja povratnika kao specifične kategorije nezaposlenih osoba, a kroz realizaciju programa aktivnih mjera zapošljavanja, na području USK-a u izvještajnom periodu 2010/2013.godina evidentirano je zapošljavanje/samozapošljavanje ukupno 240 lica iz kategorije povratničke populacije. Po ovom osnovu FZZZ Sarajevo izdvojio je finansijska sredstva u ukupnom iznosu od 485.000,00 KM.

Nemamo mogućnost specificiranja podataka po nacionalnom osnovu jer to nije prihvatljiv kriterij kod kreiranja aktivnih politika zapošljavanja te smatramo da bi se takvim pristupom vršila očigledna diskriminacija jednakosti u pristupu zapošljavanju u odnosu na sve druge kategorije nezaposlenih osoba.

JU Služba za zapošljavanje USK-a vodi službene evidencije nezaposlenih osoba prema slijedećim kriterijima: obrazovna/spolna/starosna struktura, rizične kategorije nezaposlenih (žene, mladi, nacionalne manjine, DB/demobilisani branitelji, RVI/ratni vojni invalidi, osobe sa invaliditetom, ...) dok nacionalna pripadnost nije uvrštena kao kriterij u APZ/aktivnim politikama zapošljavanja, izuzev programa zapošljavanja Roma kao nacionalne manjine za čije je zapošljavanje/samozapošljavanje na nivou USK-a, iz budžeta FZZZ Sarajevo izdvojen iznos od cca.280.000,00 KM.

S poštovanjem!

Dostavljeno:
2 naslovu.
2.a/a

